

Vedtaksorgan Kommunestyret

Saksnr.	Utval	Møtedato
	Formannskapet	
	Kommunestyret	

**Delegering av mynde til vertskommune – administrativt
vertskommunesamarbeid om eldre og avslutta kommunale arkiv****Kommunedirektøren si tilråding**

Kommunestyret gir kommunedirektøren instruks om å delegere mynde innanfor ramma av samarbeidsavtalen godkjend i eiga sak, til å utføre arkivdepotoppgåver knytt til eldre og avslutta arkiv til fylkeskommunedirektøren i Vestland fylkeskommune.

Delegeringa inneber ikkje overføring av vedtaksmynde. Arkivansvaret etter arkivlova ligg framleis hjå kommunen ved kommunedirektøren. Handsaming av innsynskrav og enkeltvedtak ligg hjå kommunen sjølv.

Kort samandrag av saka

Denne saka heng saman med saka om godkjenning av samarbeidsavtalen. Etter at samarbeidsavtalen er vedteken, må kommunestyret i tillegg fatte eit eige delegeringsvedtak. Dette er eit krav etter kommunelova § 20-2, og dei to vedtaka må vere åtskilde, sjølv om dei kan handsamast i same møte.

Delegeringa gjeld berre utføring av oppgåver knytt til eldre og avslutta arkiv som er deponerte (arkivdepotoppgåver). Kommunen vil framleis ha det overordna arkivansvaret og alt vedtaksmynde.

Saksutgreiing

Bakgrunn og rettsleg grunnlag for saka

Kommunelova § 20-2 andre ledd fastset korleis delegering i administrativt vertskommune-samarbeid skal skje:

«Kommunestyret eller fylkestinget delegerer selv myndighet til å treffe vedtak som er nevnt i første ledd, ved å instruere kommunedirektøren i egen kommune eller fylkeskommune om å delegere myndigheten til kommunedirektøren i vertskommunen.»

Delegeringa skjer altså i to ledd:

- Kommunestyret gir instruks til kommunedirektøren om å delegere
- Kommunedirektøren delegerer til kommunedirektøren i vertskommunen (Vestland fylkeskommune)

Fakta i saka

Kva vert delegert?

Delegeringa gjeld mynde til å **utføre** følgjande oppgåver på vegner av kommunen:

Oppgåve	Delegert til vertskommunen
Drift av arkivdepot for eldre og avslutta arkiv	Ja
Langtidsbevaring av arkivmateriale	Ja
Tilgjengeleggjering av arkivmateriale	Ja
Handsaming av førespurnader frå kommunen knytte til arkiv i depot	Ja
Arkivfagleg rettleiing, kurs og utvikling	Ja
Representasjon overfor arkivfaglege nettverk, interesseorganisasjonar og offentlege styresmakter i saker som gjeld den daglege drifta	Ja

Kva vert ikkje delegert?

Mynde	Ligg framleis hjå kommunen
Overordna arkivansvar etter arkivlova	Ja
Handsaming av innsynskrav (enkeltvedtak)	Ja
Vedtaksmynde i prinsipielle saker	Ja
Endring av samarbeidsavtalen	Ja
Representasjon i saker av prinsipiell eller politisk karakter	Ja

Forholdet til delegeringsreglementet

Delegeringa skal vere i tråd med kommunen sitt gjeldande delegeringsreglement, jf. kommunelova § 5-14. Kommunedirektøren gjennomfører den vidare delegeringa til kommunedirektøren i Vestland fylkeskommune administrativt, i tråd med dette vedtaket.

Fylkesdirektøren i Vestland fylkeskommune vil, i tråd med eige delegeringsreglement, delegere nødvendig mynde og ansvar vidare nedover i linja, til leiar for Kommunearkivordninga i Vestland. Denne vidaredelegeringa skjer administrativt og krev

ikkje eige vedtak i den einskilte samarbeidskommunen, men er teken med her som informasjon om korleis samarbeidet vert organisert i praksis.

Tilhøve mellom dei to vedtaka

Rettleiaren om interkommunalt samarbeid presiserer at det er to ulike vedtak som krevst:

- **Vedtak 1:** Godkjenning av samarbeidsavtalen (eiga sak)
- **Vedtak 2:** Delegeringsvedtaket (denne saka)

Begge vedtak kan handsamast i same kommunestyremøte, men dei må vere formelt åtskilde.

Økonomiske konsekvensar for kommunen

Ingen.

Konsekvensar for klima og miljø

Ikkje vurdert.

Sosiale konsekvensar

Ikkje vurdert.

Vurdering opp mot planverk

Ikkje vurdert.

Kommunedirektøren si vurdering

Kommunedirektøren rår til at kommunestyret fattar delegeringsvedtaket som skissert ovanfor.

Delegeringa er naudsynt for at vertskommunen skal ha rettsleg grunnlag til å utføre arkivdepotoppgåver på vegner av kommunen. Delegeringa er avgrensa til praktisk utføring, og inneber ikkje at kommunen gir frå seg ansvar eller vedtaksmynde.